

隨州志

同治六年重修

同治六年重修

板藏文昌宮

隨州志卷八

壇廟

祠宇附

禮法施於民則祀之以死勤事則祀之以勞定國則祀之能禦大災捍大患則祀之壇廟之設良有深義我國家於常祭外增祀先農爲民祈報典至隆矣况厲山古社遺蹟斯存崇德報功所以正風俗而厚人心也宜並志之以昭敬謹

社稷壇在西門外稍北一里稱西壇明洪武三年建界以圍牆設四門中爲方壇立石爲主二北向左社神右稷

隨州志

卷八

壇廟

一

神歲春秋二仲月上戊日致祭祭用帛一黑色羊一豕一

鉶一籩豆四簠簋二行三獻禮二跪六叩首孟夏部示

日期行常雩禮

風雲雷雨山川壇在南門外稍東一里明洪武六年建制如社稷立石爲主三南向中風雲雷雨神位左山川神位右本州城隍神位祭禮同社稷帛用白色

先農壇在東門外稍南二里雍正五年奉

旨建祠宇三間東向中奉木主書炎帝神農之位前有門牆外爲耜田歲三月奉文以耕耜日致祭禮如山川社

稷壇祭畢耕藉官先九推農夫終畝耕畢勸農有資
藉田四畝九分歲收稻穀一石麥一石一斗蕎麥一石
一斗二升存貯老農處於每年二月變價作祭費有不
敷赴司請領

附厲壇在北門外明洪武三年建壇無神主歲以清明
日七月望日十月朔日列州之無祀鬼神於地而烈炬
以祭

城隍廟在東門內大街建始莫考明宏治中知州李充嗣
修正德十一年知州張延壽復修建鐘鼓樓於大門上

隨州志

卷八 壇廟

二

進士尹儒爲之記

國朝雍正元年知州沈元鼎乾隆十六年知州許聯奎重
修

三皇廟舊志云在儒學東南久廢廟自宋以來有之考所
載元人梁天祥碑記稱國初循舊制勅天下路府州縣
立三皇廟是當時勅建廟也至正初達魯花赤某知州
劉鼎重修久圯後建於襟漢樓東咸豐十一年燬

神農廟在州東北一百二十里上名鄉黃連村厲山之上
山有神農洞卽帝誕生處也廟祀不知何始考荊州記

云民於此立社號神農社年常祀之則其由來久矣以
後廢建無可考廟故有帝像人身牛首宏治四年知州
楊憲易以冕服嘉靖十年知州范欽率民修殿宇萬曆
末知州王納言重修
舜帝廟在州北十里今廢

文昌宮在小南門內州署左道光五年知州竇欲峻建同
治八年重修

關帝廟在東門內大街城隍廟右建自明按明史帝廟始
建於南京稱漢前將軍漢壽亭侯則此時帝祀已盛今

隨州志

卷八 壇廟

三

府州縣俱有武廟列於祀典康熙三十三年重修乾隆
三十五年知州紀淑曾建頭門儀門及兩廊四十一年

知州胡觀瀾新帝像及殿胡觀瀾自爲記云殿南一柱

明末獻賊破城居民奔匿於承屋之板賊斫柱將斷恍惚見帝形乃驚遁故留其柱不易以誌靈異云

按順治九年

勅封忠義神武關聖大帝每歲五月十三日及春秋二仲
月致祭祀以太牢雍正五年追崇三代

封曾祖爲光昭公祖爲裕昌公父爲成忠公設主於後殿
同日致祭嗣後疊經加封靈佑仁勇威顯護國保民精

誠字樣咸豐五年陞入中祀加封三代爲王一切典禮均與

文廟同咸豐七年加封綏靖二字正殿祭品添十六色後殿添少牢一副是年七月頒給

御書萬世人極匾額一體摹勒懸挂

龍王廟在夜光池前白雲亭下

火神廟在南關東街後始建無考雍正十二年知州吳崑重修今廢

祠宇

隨州志

卷八

壇廟

祠宇附

四

季子祠舊志云在城南門外之西按祠舊有碑記云范大夫之三年新作季子祠顏木范使君碑亦言復季祠侵地則祠於明已爲居民侵占范欽曾復而修之嗣廢後祀於二賢祠內道光二十九年知州金雲門於東門外墓旁捐買民地建祠堂三楹旁舍四間門樓一座墻周十二丈四尺春秋祀之

歐陽文忠公祠在城西隅白雲樓下明宏治中知州李充嗣建額曰白雲書院後臨夜光池池亦充嗣所鑿以寓意靈蛇遺蹟其東偏立尹公亭祀宋知渭州尹師魯蓋

以師魯謫隨日嘗建亭城東金燈禪院也李去民祔其
主尹公旁知州史經以形家言毀白雲樓詳古蹟改白雲
書院爲文忠書院自後祠屋僦爲賈肆官收其值而祀
典廢矣嘉靖十五年知州任德修復之規制視昔加壯
後廢

子房祠在太平山相傳子房辟穀處

二賢祠在城東龍會門內祀周隨大夫季梁及宋太子少
師文忠公歐陽修考舊志無此祠當始於康熙五年後
春秋領銀致祭

隨州志

卷八

壇廟

祠宇附

五

何文毅公祠在文明門內祀明太傅何宗彥天啟中巡撫
唐中緝請建

徐公祠卽忠烈祠舊在城北門內祀明殉難知州徐忠毅
公世溇明崇正十六年巡按御史汪承詔疏請勅建以
公子肇梁祔祭後城陷祠毀乾隆十三年貢生梁高振
等請於官得舊學隙地重建在今書院東偏咸豐十一
年毀於賊同治八年重修

王公祠在書院西偏祀署知州新淦王公雲翔州人沐公
德買舊訓導署名王公書院以示不忘蓋公常爲諸生

講學其處也今廢

扎將軍祠在州城南門內咸豐六年建祀西安將軍扎拉芬咸豐五年二月粵匪竄隨公督師力戰陣亡奉

旨建立專祠咸豐十一年祠毀於賊同治七年復立祠於南門樓

楊公祠在州城南門內咸豐六年建祀知州楊嘉運咸豐四年四月粵匪竄濠潭公督鄉勇力戰陣亡奉

旨入祀昭忠祠州人立祠祀之咸豐十一年毀於賊同治七年重建於南門樓

隨州志

卷八

壇廟

祠宇附

六

僧親王祠在南門樓同治七年建祀科爾沁親王僧格林沁王以 欽差大臣兩次追賊至隨同治五年在山東曹州陣亡奉 旨於帶兵經過地方均立專祠

烈愍祠在城內文昌宮後道光五年知州竇欲峻建祀明季殉節知州王燾咸豐十一年毀於賊同治八年重建於文廟後

遺愛祠在城內書院後道光二十九年知州金雲門建祀明季知州涂世延 國朝知州竇欲峻趙振清咸豐十一年毀於賊同治八年重建於文廟後增祀明季殉節

州判余塙 國朝知州王雲翔金雲門

李公祠在州西百里朱家集祀花翎同知四川李公光榮
咸豐六年土匪趙邦璧之亂公親督川勇入山三戰三
捷誅趙邦璧於陣前遂平洪山餘黨地方以安州人感
其德立祠祀之

節孝祠在漢東門內康熙初年 勅建祀明朱昱妻劉氏
以下若干人乾隆四十年州人重建咸豐十一年毀於
賊同治八年改建於南門內文童萬承燮遵其嗣母萬
陳氏訓捐租五十石春秋致祭

隨州志

卷八

壇廟

祠宇附

七